

Тодрха сән гардвр кергтә

Хә бсгдж-бргджүллгәнә болн хәбнә ноос гаргългъ икдүл-лгәнә тускар бичгдсн КПСС-н Центральн Комитетин болн СССР-н Министрмүдин Советин бичг—хәбнә мах болн ноос икәр гаргъдж, ирх ахр цагин эргцд әмн болгъна тоод мах, тос болн үс гаргългъар Америкиг кұцәд давх агъу ик туудж-лгч тәр хагъллгънд дала әдл эв-аргъ секджәнә.

Эн туст мана Хальмг тань-гъчин совхозмудар ола бийнә олзлгдад уга эв-аргъ элвг бәәнә. Әдл-ахун гардврт бәәх дуту-дундиг бәрхн цагин эргцд уга кехлә, хә олар бсглгәнә, хәбнә мах, ноос гаргългъна тәрмүд сәәнәр кұцәдж үзмдж-тә ашмуд кұцдж болхмн.

„Кировск“ болн „Луговой“ совхозмудин сүлджилмүдт кегдсн кәдлмшин үлгүр авад хәләй. Ода эн хойр совхоз негдәд „Кировск“ совхоз болв. Эн хойр совхоз эзджәсн газрин агъуд 1951 джиләс авн 1957 джилин май сар күртл хот болн ус алдснәс болн хоома

хәләврәс кәлтә, кесг миньгън хән үкв. Тер цагин ут-туршарт дундлад нег хәбнәс 3,6-4,5 килограмм ноосн авгдджала. 100 хәбнәс ик гихдән 76 хургън авгдджала. Ганцхн 1956 джилд ода уга „Луговой“ совхозд 5 мингъ гар хән үклә. Хәбнә гаругъин 70 процентнә апрель-ноябрь сард тусна.

Нидн джилд „Кировск“ болн „Луговой“ совхозмудар хәд үкдж гарутсн учринь шуудж хәләхлә сонджлта болхмн. Үксн 100 хәбнә 72 толгъань хургъд болн тәлгс. Теднә үксн учринь хәләхлә ним болна: 70 толгъань—оошгин гемәр, 9,1 толгъань—мецкәрәд, 10,7 толгъань—геснә болн хотин гемәр 10,2 толгъань—талдан олн зүсн учрар үксмн. Талданар келхлә, „Кировск“ совхоз тигәд 100 гектар газр болгъна тоод 87 толгъа хургъ, 73 килограмм ноос авсмн биш, мөннәгәр тоолхла 100 гектар газр болгъна тоод—2450 арслнә гегдв. Му, тодрха биш гардврин ашнә тиим болна.